



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/07-14-43190-54-1/19
Sarajevo, 30.12.2019. godine

SKUPŠTINA KANTONA SARAJEVO
n/r PREDSDJEDAJUĆI SKUPŠTINE KANTONA SARAJEVO
- O V D J E -

ZASTUPNIČKO PITANJE:

Zastupnik Vedran Jakupović, na 16. radnoj sjednici Skupštine Kantona Sarajevo, održanoj dana 11.12.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavio je zastupničko pitanje:

Prema Planu nabavki za 2019. godinu Ministarstvo za obrazovanje, nauku i mlade Kantona Sarajevo raspolaže sa ukupno 3.324.100,00 KM na pozicijama nabavke roba, usluga i radova na rekonstrukciji i održavanju objekata.

Dakle, potrebni su mi precizni podaci o utrošku i provedenim procedurama za 1.856.900,00 KM čija se realizacija ne može pratiti kroz obavještenja o nabavci uz Plan javnih nabavki Ministarstva (jer ista objavljena na web stranici MONKS) kao ni putem Portala javnih nabavki, a riječ je o otvorenim i konkurentskim procesima prema Zakonu o javnim nabavkama. Prilikom dostavljanja odgovora posebno želim da me obavijestite o sljedećim konkretnim nabavkama:

- Kada je realizirana javna nabavka iznosa 170.900,00 KM - Nabavka stolica i stolova za škole. Koje škole su eventualno dobile tu opremu, po kojim kriterijima i kojem pozivu školama da imaju opciju da dobiju navedenu opremu od MONKS?
- Posebno, kakva je sudbina javne nabavke u iznosu 158.000,00 KM za stručne edukacije radnika u javnim ustanovama iz nadležnosti MONKS, sa obzirom da su rezultati PISA testiranja ukazali na manjkavosti u sistemu edukacije nastavnika?
- Kako je realizirana usluga prevoza za učenike u sklopu projekta „Da se ne zaboravi Srebrenica“ u iznosu 65.000,00 KM, budući da je MONKS realizirao samo nabavku od 150.000,00 KM za prevoz učenika u svrhu škole skijanja i škole planinarenja?
- Koje su javne ustanove obuhvaćene finansiranjem rekonstrukcije u iznosu od 866.800,00 KM i da li su navedena planirana sredstva i utrošena?

ODGOVOR:

- *U skladu sa Planom javnih nabavki za 2019. godinu Ministarstva za obrazovanje, nauku i mlade Kantona Sarajevo, a vezano za postupak nabavke stolica i stolova za škole, proceduru javne nabavke provode javne ustanove u skladu sa potrebama i odobrenim sredstvima ili MONKS za hitne intervencije. U skladu sa navedenim školama koje su iskazale potrebu za navedenom nabavkom su odobrena sredstva za nabavku istog te su*



provele proceduru javne nabavke. Sredstva su odobrena za 15 srednjih škola i 11 osnovnih škola. Imajući u vidu, da su škole (osnovne i srednje) u veoma lošem položaju što se tiče namještaja, bilo koja nabavka ove vrste je dobro došla. Raznim kreditnim zaduženjima veliki dio objekata škola je saniran ili je u toku saniranje, a za nabavku namještaja nisu izdvajana posebna sredstva, tako da učenici i uposlenici škola uglavnom vrijeme provode na popravljenom namještaju iz prijeratnog perioda. Sredstva iz Budžeta za 2019. godinu realizovana su na način da se pojedinačnim odobravanjem sredstava školama vrši zamjena dijela namještaja (za odobrena sredstva škole su mogle promijeniti namještaj u cca 2 učionice) u skladu sa svojim potrebama i vizijama. Naime u stručnim školama, kao npr. Zubotehnička škola nisu nabavljane klasične stolice, u drugim su u pitanju stolovi jednosjedi, a u osnovnim uglavnom klasične klupe dvosjedi sa stolicama.

- *Aneks II dio B su usluge koje za predmet javne nabavke imaju usluge koje se dodjeljuje u skladu sa članom 8. (Ugovori na čiju dodjelu se primjenjuje poseban režim) Zakona o javnim nabavkama BiH („Službeni glasnik BiH“, broj 39/14). Postupak dodjele ugovora uređen je Pravilnikom o postupku dodjele ugovora o uslugama iz Aneksa II. dio B („Službeni glasnik BiH“, broj 66/16). Prema članu 4. stav (3) Pravilnika o postupku dodjele ugovora o uslugama iz Aneksa II. dio B (u daljnjem tekstu: Pravilnik) prilikom nabavke usluga iz Aneksa II. dio B. ugovorni organ može izabrati više ponuđača za predmetnu uslugu, iz iste kategorije, za period za koji provodi postupak. Prema članu 7. stav (2) Pravilnika, ugovorni organ postupak pokreće Odlukom iz člana 18. Zakona o javnim nabavkama. Prema članu 7. stav (3) Pravilnika, ugovorni organ priprema poziv, koji mora biti objavljen na web stranici Ugovornog organa najmanje 14 dana, te isti uputiti na najmanje tri adrese.*

U skladu sa članom 13. Pravilnika o internim procedurama u postupcima javnih nabavki roba, radova i usluga Ministarstva za obrazovanje, nauku i mlade Kantona Sarajevo, br:11/07-02-4998/19 od 27.02.2019. godine, Zahtjev za pokretanje postupka javne nabavke podnosi elektronskim putem pomoćnik ministra organizacione jedinice Sektoru za ekonomske poslove, na obrascu koji je dat u Prilogu II i čini sastavni dio ovoga Pravilnika. Zahtjev iz stava (1) ovoga člana podnosi se isključivo ukoliko je javna nabavka predviđena Planom nabavki Ministarstva za tekuću godinu. Zahtjevi upućeni od organizacionih jedinica obavezno sadrže tehničke specifikacije roba/usluga/radova koji se potražuju i minimalne ekonomsko-tehničke uvjete za učesnike u javnoj nabavci.

Nakon dostavljenih Zahtjeva, Sektor za ekonomske poslove je dana 14.11.2019. godine objavio Javni poziv za usluge stručne edukacije iz oblasti obrazovanja za potrebe Ministarstva za obrazovanje, nauku i mlade Kantona Sarajevo na web stranici Ministarstva, te je isti bio otvoren 14 dana od dana objave. Javni poziv je upućen na tri adrese (BH Centar za obrazovanje odraslih, Privredna komora Kantona Sarajevo, Centar za obrazovanje odraslih i poduzetništvo), u skladu sa Pravilnikom o postupku dodjele ugovora o uslugama iz Aneksa II. dio B („Službeni glasnik BiH“, broj 66/16). Nakon provedenog postupka ugovorni organ je donio Odluku o izboru najpovoljnijih ponuđača broj: 11/07-14-165518/19 od 09.12.2019, kojom je kao najpovoljnija izabrana ponuda ponuđača Revicon d.o.o. Sarajevo (ponuda za Prilog IIB) u ukupnom iznosu 33.000,00 KM bez PDV-a, te ponuda ponuđača Privredna komora Kantona Sarajevo (ponuda za stavke 6. i 7. Prilogu IIc) u ukupnom iznosu od 20.250,00 KM bez PDV-a. Dana 16.12.2019. godine ponuđač SERDA d.o.o. Sarajevo je podnio žalbu broj:2353/19 od 16.12.2019. godine na Odluku o izboru najpovoljnijeg ponuđača broj: 11/07-14-165518/19 od 09.12.2019. Postupak javne nabavke je obustavljen do rješavanja žalbe.



- Dana 12.12.2018. godine Ministarstvo za obrazovanje, nauku i mlade Kantona Sarajevo je donijelo odluku o pokretanju postupka javne nabavke usluga prevoza učenika osnovnih i srednjih škola iz nadležnosti Ministarstva, i to: LOT 1 – Prevoz učenika drugih razreda srednjih škola u posjetu Memorijalnom centru Potočari, Srebrenica i LOT 2 – Prevoz učenika šestih razreda osnovnih škola u okviru projekta „Škola skijanja“. Nakon provedenog otvorenog postupka u skladu sa Zakonom o javnim nabavkama, Ministarstvo je donijelo Odluke o izboru najpovoljnijeg ponuđača (br.:11/01-14-39402.5/18/19 i 11/01-14-39402.6/18/19 obje od 25.01.2019. godine) i sa izabranim ponuđačem zaključilo Okvirne sporazume za oba lota (br.; 11/01-14-39402,9/18/19 i 11/01-14-39402.10/18/19 oba od 12.02.2019. godine). Javna nabavka usluga prevoza učenika osnovnih i srednjih škola iz nadležnosti Ministarstva, za oba lota: LOT 1 – Prevoz učenika drugih razreda srednjih škola u posjetu Memorijalnom centru Potočari, Srebrenica i LOT 2 – Prevoz učenika šestih razreda osnovnih škola u okviru projekta „Škola skijanja“, je uspješno realizovana.

- Rekonstrukcijom u iznosu od 866.800 KM (iz Plana javnih nabavki Ministarstva za obrazovanje, nauku i mlade Kantona Sarajevo za 2019. godinu), koji je nakon rebalansa Budžeta Kantona Sarajevo iznosio 653.124,00 KM (jer iz sredstava kredita nisu odobrena sredstva u iznosu od 250.000,00 KM za nekoliko srednjih škola), obuhvaćene su sljedeće javne ustanove:
 - OŠ "Saburina: dodatni radovi - zamjena dijela elektroinstalacija i sanacija dijela mokrih čvorova;
 - Treća osnovna škola Ilidža: rekonstrukcija grijanja u jednom dijelu škole i sanacija vanjskog dijela grijanja – alternativa;
 - Prva osnovna škola: sanacija krova;
 - OŠ "Fatima Gunić": zamjena poda u sali za tjelesni odgoj;
 - Zavod "Mjedjenica": rekonstrukcija elektroinstalacija;
 - OŠ "Velešićki heroji": zamjena kotlovnice;
 - OŠ "Hasan Kaimija": sanacija kotlovnice;
 - OŠ "Hasan Kikić": projekat sanacije pukotina na školi;
 - OŠ "Hilmi ef. Šarić": sanacija hidrantske mreže;
 - OŠ "Mirsad Prnjavorac": rekonstrukcija ograde oko školskog igrališta;
 - OŠ "Vrhbosna": sanacija krova na sali za tjelesni odgoj;
 - OŠ "Zahid Baručija": izrada projekta dogradnje škole i izgradnje sale za tjelesni odgoj;
 - Centar "Vladimir Nator": naknada za povećanje priključne snage;
 - OŠ "Čengić Vila I": začepljenja kanalizacionog odvoda;
 - OŠ "Alija Nametak": saniranje posljedica usljed prokišnjavanja i sanacija mokrih čvorova i ventili na radiatorima;
 - Centar za slušnu i govornu rehabilitaciju: detektor zemnog gasa u kotlovnici;
 - OŠ "Malta": sanacija elektroinstalacija;
 - OŠ "Skender Kulenović": ugradnja zaštitne obloge u sali;
 - Srednja škola za okoliš i drvni dizajn: ograđivanje poligona za održavanje 14. Alpe Adria šumarske olimpijade;
 - Srednja tehnička škola grafičkih tehnologija, dizajna i multimedije: sanacija dijela krova usljed oštećenja od jakog vjetro;
 - Treća gimnazija: postavljanje stijene za penjanje II faza;
 - Srednja škola za tekstil, kožu i dizajn: opravka krovova i oluka;
 - Srednja poslovno-komercijalna i trgovačka škola: sanacija kotlovnice;



- Škola za srednje stručno obrazovanje i radno osposobljavanje: sanacija krova;
- Srednja ekonomska škola: sanacija krova;
- Akademija likovnih umjetnosti: sanacija elektroinstalacija;
- Šumarski fakultet: sanacija grijanja.



MINISTRICA

Mr. Zineta Bogunić

Dostaviti:

1. Naslovu
2. Stručna služba Vlade Kantona Sarajevo
3. Sekretar Ministarstva za obrazovanje, nauku i mlade Kantona Sarajevo
4. Arhiva

